

南宋十

清苑齋集

芳蘭軒集



清苑齋詩集目錄

第一卷

五言古詩

哀山民

後哀

和陳水雲湖莊韻

敬謝章泉趙昌

甫

官田之集

九客一羽衣泛舟

哭徐璣五首

第二卷

五言律詩



桐栢觀

楊柳塘寄徐照

贈孔道士

舟行寄翁十

縉雲縣宿

進賢道中

冷泉夜坐

筠州郡庠山亭

延禧觀

撫欄

寄趙昌父

贈張亦

贈達西堂

送湯干

石門僧

秋色

簡同行翁靈舒

信州草衣寺

靈山閣見二徐友

秋屏作

送沈莊可

送周端常之建康

贈易道士

送輝上人再住空相

寄薛景石

送徐璣赴永州椽

巖居僧

安仁道中

壕上

月夜懷徐照

送倪道士之廬山

送鄧漢卿

徐孺子宅

德安道中

徐靈暉挽詞

太平山讀書

大龍湫

宿徐靈暉山舍

鴈蕩寶冠寺

贈約老

送薛子野赴華亭

翠巖寺

送黃叔向謁楊子伯

答葉司理

薛氏瓜廬

送徐道暉

劉隱君山居

官舍初成

會景軒

和朱子發韻

桃花寺

送蔣節推○大慈道

送湯主簿

送潘景參赴利路

水際

扶欄

葛翁小閣

柳下書齋

贈陳宗之

謝耕道犁春圖

栗禁

盧申之載酒舟中

送真直院出使

千日

贈湯巾

贈張亦

徐先輩挽詞

徐侍郎挽詞

訪韓中止不遇

龜峯寺

貴溪夜泊

送蔣節推赴岳陽

送趙判官

春晚卽事

沈洞主

和鮑縣尉

停帆

嚴州瀟灑亭

喜徐道暉至

小舟

林逋墓下

寄徐縣丞

第三卷

七言律詩

示五峯僧

答徐靈困

寄徐丞

送奩上人抄化

陳待制湖樓

送翁卷入山

呈蔣薛二友

萬年寺

暮春書懷寄翁十

移居謝友人見過

和人韻贈北山僧

再遊北山和韻

寄趙楚州

多景樓晚望

姑蘇臺作

病起

簡孫正字

次韻趙正字蟹

借居湖上

送古壺與人

贈鄧漢卿

孤山寒食

葉侍郎送紅芍藥 寄茅山温尊師

會宿再送子野 京華病後

過弋陽 題方輿化塋舍

第四卷

七言絕句

數日 玉清夜歸

池上 題四聖觀

白石巖 再過吳松

山路懷翁卷 采藥徑

午困 約客

清苑齋詩集

宋趙師秀

紫芝甫 著

明潘是仁

訥叔甫輯校

五言古詩

哀山民

憶君初病時倉皇造君榻
 知爲寒所中脛痺連左
 脚將子丹有神三日能屈伸
 五日扶杖立十日行
 逡巡於時數相見談娛靡曾倦
 啜茶猶滿甌改詩
 忽盈卷君亦疑勿藥春和可爲樂
 仙家桃最紅同

踐天台約多愁積如山令君心不閑殘痾故未去
澁齋腸腑間岳僧有烈劑倒篋得餘惠服之汗翻
漿事與東流逝啼妻無完裙弱子猶哀麕詩人例
窮苦窮歿更怜君君如三秋草不見一日好根芟
霜霰侵菱絕嗟何早哭君日無光思君月照床猶
疑君不歿猛省欲顛狂昨者君未疾相過不論日
晴窻春翦蒲寒爐夜煨栗石堦苔蘚中猶有舊行
蹤憂心不能寐無夢得相逢君詩如賈島勁筆幹
天巧昔爲人所稱今爲人所寶石峯云有地葬從

後哀

朋友議須求侍郎銘難見山民字平生翁與徐南
去久無書不知聞信後涕泪當何如寫池煙水暮
宛是西川路虛言楚客招終感向生賦

交交谷鳥哀鬱鬱澗松拆山民無還期春物失怡
悅平生感斯人難以常理說共智已則愚忽巧衆
亦拙芳名信可垂在世何寂滅含悽爲卜兆窻窻
利茲月行當宿草生當使我淚歇未知百年後誰
復耕此穴寄言苦吟者勿棄攝生訣

和陳水雲湖莊韻

粼粼水增波疊疊雲弄影昔誇春徑妍今愛秋塘
靜芳筵集賓彥清宴除艷靜時當新雨餘蒼翠獻
林嶺旣忻冲抱舒復快速遠目騁仰嘉鍾鼎人而迺
眷箕頰深營察高趣雅詠發沉景獨使和者難一
夕愁欲瘦

敬謝章泉趙昌甫二十韻

耆舊半凋落在者如晨星與翁別豫章十見草木
青人生幾堪別夢寐生羽翎迢迢玉溪波近作嘗

再經携家事多難所至那得停山中空望來日夕
不掩扃豈獨負茲約尺書亦沈冥逢人問消息但
喜言康寧墮來兩卷什一以慰飄零感此故意弘
不我迹以形文章出晚歲字畫猶壯齡誦之西湖
濱驚動孤山靈翁卷遊崆峒一已煩郵鈴幸翁良
未衰吾黨存典刑遙聞曾入鄂諒爲韓與丁郡齋
待且久幾宿澗上亭今春少晴時澗水應冷冷歸
來安穩否薰風入林垌願言愛玉骨逍遙卧殊庭
會面雖未期忽聚江湖萍

官田之集翁聘君失期陳伯壽賦詩率爾次韻

好水不厭濶好風不厭涼况有十頃荷荷風媚波光主人昔謂余此境不可忘舉觴集羣英期以朝未央清歡遣絲竹善謔停優倡快若魚脫網適比鴛在梁寒芳衣履濕飲淥肌骨香操觚賦相聯妙續楚九章苦吟墮饑蟬巧詠發輕簧常勝或倒戈突出或擅場或峙而遽蹴或抑而載揚所欠獨巨翁不使人意強屏袖爾何爲竭颯立在傍有間衆稍嘿談辯忽汪洋夕風亦損荷萬事付巨量

九客一羽衣泛舟分韻得尊字就送朱幾仲
人生苦形役不定如車轅况各異鄉井忽此同酒尊此尊豈易同意乃有數存西湖雪未成兩山翠相奔山根日照樹花放林逋村野饌具藜藿一飽厭百殮有客何多髯吐氣鄰芳蓀慷慨念時事所惜智者昏砭療匪無術諱疾何由論北望徒太息歸歟尋故園哆然黃冠師笑請子勿喧東南守太乙此宿福所屯吾子且飲酒酒冷爲子溫

哭徐璣五首

君早抱竒質獲與有道親
微官漫不遇泊然安賤
貧心夷語自秀一洗世士
陳使其養以年鮑謝焉
足鄰

昔吾與君遊嫌踈不嫌數
自爲貧窶驅十載九離
索前年會京都勗我返林
薄吾貧未得歸君死不
可作

思君氣實克不與短折類
血歿匪無由恐是服椒
罪君於藥自深何獨此乎
昧豈不聞仙人餌葛得

千歲

平生於所學常若喪其敏
臨池書未成池水黑已
盡傳來葉嶺帖遂與蘭亭
近凡茲究極功亦足損
肝腎

道暉愛江籬吾子思單老
生念歿不滅應會沅湘
道空山獨靈舒閉戶守枯
槁風雪將歲闌凋零此
懷抱

清苑齋詩集

宋趙師秀

紫芝甫著

明潘是仁

訥叔甫輯校

五言律詩

桐栢觀

山深地忽平
縹緲見殊庭
瀑近春風濕
松多曉日青
石壇遺鶴羽
粉壁剥龍形
道士玉靈寶
輕強滿百齡

楊柳塘寄徐照

趙清苑五律卷二
因貧爲遠別已是十三程盡日行山色逢人問地
名近書無便寄新句與誰評想爾寒宵雨思予亦
夢成

贈孔道士

生來還姓孔何不戴儒冠詩好逢人誦琴清只自
彈訪師行郡遠愛竹透庵寒見說丹爐內黃金化
不難

舟行寄翁十

舟輕風色好波面去迢迢取爾詩重讀今吾病欲

銷江禽停晚樹澗水入秋潮已覺懷人極分携始
一朝

縉雲縣宿

親知因別久具酒勞經過古邑居人少春寒入夜
多雨香仙地藥燭動石橋波稍覺離家遠鄉音一
半訛

進賢道中

半月逢梅雨初晴客意消鶯聲臨野水松影卧新
苗少憇休輿卒閑行過板橋平生無飲分空愧酒

走清夜五律
卷二
二
旗招

冷泉夜坐

衆境碧沉沉前峯月正臨樓鍾晴聽響池水夜觀
深清淨非人世虛空是佛心却尋來處宿風起古
松林

筠州郡庠山亭

一來高處望遠近盡秋容秀氣歸才子清風屬釣
翁溪晴分別港山闕見他峯獨憶涼宵月無因宿
此中

延禧觀

寂寞古仙宮松林常有風鶴毛兼葉下井氣與雲
同背日苔磚紫多年粉壁紅相傳陶縣令曾任此
山中

撫欄

撫欄驚歲月久住欲如何水園花開早春城人上
多病令詩懶作閑喜客頻過聽說邊頭事時賢策
在和

寄趙昌父

逃名逃未得幾載任章泉便使重承詔多應不議
邊高風時所繫新集世方傳憶就江樓別雪晴江
月圓

贈張亦

相逢楚澤中語罷各
天下方無事男兒未有
功邊風吹面黑市酒到腸空早作
舟俟
爾同

贈達西堂

秋水數枝蓮在師房一邊固應通淨理不復念生

緣舊願醜初滿靈方許盡傳閑詢曾任寺如夢已
茫然

送湯干

能文兼悟性前是惠休身為選來京邑因吟訪野
人所居纔隔水不見忽經旬何事云歸速儒官拜
漱新

石門僧

石門幽絕甚獨有一禪僧寺廢餘鍾在房高過客
登山峰成苦蜜崖溜結空冰如此冬寒月他人住

豈能

秋色

幽人愛秋色祇爲屬吟情
一片葉初落數聯詩已
清瘦便藤杖細涼覺葛衣輕
門外蕭蕭徑今年菊
自生

簡同行翁靈舒

久晴灘積衆舟楫後先行終日不相見與君如各
程水禽多雪色野笛忽秋聲必有新成句溪流合
讓清

信州草衣寺

芙蓉四五枝寂寞在空池
難見草衣士空看宴坐
碑香烟思盛日詩句記游時
欲問臺中鶴長松自
不知

靈山閣見二徐友舊題句

一面見溪水三邊皆翠微
晚來虛檻外秋近白雲
飛重至恰身老同吟感客非
靈山自如畫依舊隔
斜暉

秋屏作

凡有欄干處秋來遍往還就中惟此地全得見西
山鴈落遙沙小人登廢壘閑因吟一州景皆在夕
陽間

送沈莊可

清事貧人占斯言恐是虛與花方作譜爲米又持
書時節寒相近山林拙未除西江波浪急送子一
愁予

送周端常之建康

高名聞已久方策有文雕接得詩人信知從諫議

招住遙勞枉刺去速恨移橈何處逢黃菊秋風故

六朝

贈易道士

仙帔畫霞雪多年侍玉宸古於莊子貌貴似呂公
身詩好當開板丹靈不化銀舊山新築觀惟夢得
歸頻

送輝上人再住空相

忽然聞受請鐵錫指秋風寺在寒城裏州居野水
中生緣拋未盡舊講續應終不用相尋別浮雲去

住同

寄薛景石

虛窻風颭然獨卧聽殘蟬家務貧多闕詩篇老漸
圓清秋添一月故里別三年最憶君門首黃花匝
野泉

送徐璣赴永州椽

二水鴻飛外君今問去程家貧難擇宦身遠易成
名入署梅花落過汀蕙草生莫因饒楚思詞體失
和平

巖居僧

開扉在石層盡日少人登一鳥過寒木數花搖翠
藤茗煎水下水香炷佛前燈吾亦逃名者何因似
此僧

安仁道中

行盡沿溪路天寒歲又除欲消冰似雪初長麥如
蔬於世無成事何時有定居等緣貧所役爲仕媿
爲漁

壕上

趙清文五律 卷二
遠近人家住過橋路盡通野田行瘦馬淺渚聚羣
鴻地靜微泉響天寒落日紅若非身作吏不道是
城中

月夜懷徐照

月色一庭深迢迢千里心湘江連底見秋客與誰
吟寒入吹城角光凝宿竹禽亦知同不寢難得夢
相尋

送倪道士之廬山

近方辭地肺本自住天台有鶴相同出無雲作伴

回道房隨處借詩板逐時開又說廬山去閑看瀑
布來

送鄧漢卿

我亦將歸者先行極羨君惟因交已久頗覺意難
分江浦帆侵樹山高燒入雲他年有書札彼此訪
耕耘

徐孺子宅

今識高眠處滄波是切鄰已知難卽鹿惟有獨潛
鱗草長過荷葉藤深失樹身閑思昔微子猶自得

起清苑王行
卷二
稱仁

德安道中

餐餘行數步稍覺一身和蠶月人家閉春山瀑布
多鶯啼聲出樹花落片隨波前路東林近慚因捧
檄過

徐靈暉挽詞

在生貧不害早喪可嗟吁天下黃金有人間好句
無竟應湘水去名與浪仙俱平日惟耽茗壺前種
幾株

太平山讀書寄城中諸友

野人無別事故得坐空林黃卷還鋪日青蓮未悟
心鐸音山殿靜螢影石池深不敢邀芳屣因閑儻
一尋

大龍湫

一派落虛空如何盡得同高風吹作雨低日射成
虹西域書曾說先朝路始通或言龍已去幽處別
爲宮

宿徐靈暉山舍

起清苑五律
卷二
分坐橋邊石同歸原上村窺燈禽出樹聞語僕開
門雪後挑蔬藜更深貫酒渾極知高卧久吾賤不
能倫

鴈蕩寶冠寺

行向石欄立清寒不可云流來橋下水半是洞中
雲欲住逢年盡因吟過夜分蕩陰當絕頂一鴈未
曾聞

贈約老

一徑入深竹數楹臨古溝更無人共住極喜客來

送白髮長垂
新茶綠滿甌自言門外寺皆是老
僧修

送薛子舒赴華亭船官

竹籠盛書去遙知官事閑水程春有雨海岸曉無
山奧理漸摩後清名護養間坐曹觀剡木意與易
相關

翠巖寺

石巖看不見翠色自重重春雨生松葉山風響鐵
鍾碑頑工費墨草嫩綠添茸住院吳僧老相迎憶

起清苑五律
卷二
舊逢

送黃叔向謁楊伯子

嘗聞事將壇何得復儒冠
口誦新詩句身呈舊箭
瘢賞因貧未受愁擬醉相寬
當伏湖州牧應怜志
士寒

答葉司理

寂寞坐高齋兵來與訊偕
喜看君子盡癯似我形
骸頗欲徵陳作遙知動遠懷
夢覓思一遇風雨暗
長淮

薛氏瓜廬

不作封侯念悠然遠世紛
惟應種瓜事猶被讀書
分野水多於地春山半是雲
吾生嫌已老學圃未
如君

送徐道暉遊湘水

春盡雨霏霏春寒猶在衣
人尋香草去鴈背遠峯
歸瀟水添湘濶唐碑入宋稀
應知名與姓題寫遍
巖扉

劉隱君山居

嫌在城中住全家入翠微開松通月過接竹引泉
歸慮淡頭無白詩清貌不肥必無車馬至猶掩向
巖扉

官舍初成

爲宅傍城墻先求夏日涼鑿池容衆水栽竹斷斜
陽官是三年滿身無一事忙不知何補報安坐恐
難當

會景軒

此中非一景欲狀固難名江近秋陰早山多曉氣

清斷雲分樹泊饑鶴下田行別擬深更至虛空看
月明

和朱子癸韻兼簡青龍諸友二首

巷南與巷北相去路無多以我常孤坐勞君數見
過望山嫌夕靄聽雨想春波稍俟晴明日相携一
醉歌

雖說京華住西湖豈不清病多妨野興貧甚損詩
情插柳觀春意粘碑隔市聲松江幾間客日夕聽
波鳴

桃花寺

舊有桃花樹人呼寺故名石幽秋鷺上灘遠夜僧
聞汲井連黃葉登臺散白雲燒丹勾漏令無處不
逢君

送蔣節推赴岳陽

君山那可上四面是層波此地風煙古前人賦詠
多征帆衝鴈字官舍近漁歌况爾修真者回仙必
見過

大慈道

青苔生滿路人跡至應稀小寺鳴鍾晚深林透日
微野花春後發山鳥澗中飛或有相逢者多因採
藥歸

送湯主簿

扶起堦前菊秋霖苦未休更逢千里別早白一年
頭客借程文看見分賜服收還家有新興佳句入
書郵

送潘景參赴利路帳幹

蜀道如天遠携家難計程不從三峽過免聽幾猿

起清苑五律 卷二
聲戍密野花少棧虛山雨鳴同年同寂寞此去子
成名

水際

水際移居晚薰風綠滿汀密萍妨下釣高柳礙觀
星忙是僧相過閑惟雨可聽尋思非久計終憶自
柴扃

扶欄

強起扶欄立新寒陡見侵鍾聲諸寺曉柳蔭半池
陰病久方憑艾貧深或夢金湖邊好風日孤負幾

登臨

葛翁小閣

樹色對踈櫺橫陳一片清微風楊葉下斜日竹稍
明此老無塵事雙妹亦道情客來憐素壁題句不
題名

柳下書齋

轉曲認幽棲齋名壁上題柳遮船步水草出瓦溝
泥養靜拋書冊銷閑倚杖藜誰知鳳城外宛是武
陵溪

贈陳宗之

四圍皆古今永日坐中心
門對官河水簷依綠樹
陰每留名士飲屢索老夫吟
最感書燒盡時容借
檢尋

謝耕道犁春圖

春雨年年有良田歲歲無
何因將此事須要畫爲
圖野水寒初退平林綠半敷
長謠謝沮溺未必子
知吾

栗禁

宵長非一夢欲記已迷茫
照鏡枯於腊梳頭落似
霜病痾如退愈貧屢又商量
所嗜惟崖栗今年不
敢嘗

盧申之載酒舟中分韻得明字

閑人閑處住載酒荷高情
小舍寧容客客同舟却向
城弄花忘晝暑憂穀念秋晴
歸路雖無月銀河亦
自明

送真直院出使江東

一節鑄黃金翩然別禁林
幾於言事日已作去朝

起清苑王律 卷二
心有識愁雖結無慚喜自深江邊瞻使者誰不敬
曾參

千日

千日方過半何因便得還就令凡事易不及一身
閑種木憐官地登城憶自山苦吟無愛者寫在戶
庭間

贈湯巾

黃金榜內人枉刺忽相親怪得名差異吟來句極
新獨眠秋寺雨罕踏帝城塵何限高科客因容不

重身

贈張亦

一別無書信相逢各老蒼山川烽外遠歲月夢中
長空橐成詩草單衣浣酒香因言滾溪宴回憶舊
時狂

徐先輩挽詞

豈謂聲名早番成不遇非賦曾天子見詩有世人
知忽種松三尺終乖桂一枝幽芳誰與誌御史念
堦篔

徐侍郎挽詞

少贊經綸業周家已卜年
謗興無白日心在有青天
遷謫還迎母難危復用賢
未令吾道泰星殞灌城邊

訪韓中止不遇題澗上

隔澗竹扉深蒼童引客尋
雖然乖晤語猶得見園
林野蔓時妨步山蟬亦好吟
石根泉數斗清冷應人心

龜峯寺

石路入青蓮來遊出偶然
峯高秋月射巖裂野烟
穿螢冷粘樓上僧閑坐井邊
虛堂留一宿宛似鴈山眠

貴溪夜泊寄趙昌甫

蒼草占秋動逢秋早得歸
本非爲事迫不欲與心
違波淨孤螢度宵涼數葉飛
遠懷高卧者微月閉松扉

送蔣節推赴岳陽

君山那可上四面是層波
此地風煙古前人賦詠

起清苑王行 卷二 十一
多征帆衝鴈去官舍近漁歌况爾修真者回仙必
見過

送趙判官

三歲蓮華幕何曾仕者同開墻通野客分樹借江
鴻與世如無味於民自有功神仙今已近不畏引
帆風

春晚卽事

一身來作吏白日算徒勞塵土侵衣重年光如鬢
牢春深禽語改溪落岸沙高柳下垂釣者吾今媿

爾曹

沈洞主

案上陰符卷應逢驪母傳無言過永日不食度終
年雲覆燒丹竈花浮洗藥泉時聞有玄虎來禮洞
門前

和鮑縣尉

留僧秋閣上身自伴僧閑漱齒臨寒水焚香對遠
山野禽偷果去童子借經還餘興成詩句高題屋
柱間

起清友玉律
卷二
停帆

舟過梢人屋停帆去未能野梅皆是刺灘水不爲
冰里數訛難準官稱俗可憎欲登巖石坐有吏復
無朋

嚴州瀟灑亭

高榭出禪關人家向下看千峯春隔霧數里夜聞
灘偶至因成宿前遊亦值寒州人多有詠何不見
方干

喜徐道暉至

嗜茶身益瘦兼恐欲通仙近作詩全少閑成畫亦
傳瀟江風雪渡嶽石姓名鐫自接來消息朝朝問
客船

小舟

小舟隨處去幽意日相親野草券荷葉輕鷗似逸
人閑思此湖水曾洗幾京塵甚欲營漁屋空虛未
有因

林逋墓下

梅花千樹白不是舊時村傾我酷來酒酌君仙去

竟短碑藤倚蔓空塚竹行根猶有歸來鶴清時欲
與論

寄徐縣丞

自爾爲官去吾扉亦返關池成逢夜雨籬壞出秋
山歲事登禾稼朝綱去草菅題書寄漳水專俟好
詩還

清苑齋詩集

宋趙師秀

紫芝甫 著

明潘是仁

訥叔甫輯校

七言律詩

示五峯僧

峯形如掌翠相環頭白山僧引客看積葉壞來泥
徑滑斜陽移去石橋寒近聞瀑布尋還遠易得菖
蒲采極難分我一峯於此住與師相聚願辭官

答徐靈困

起清苑七律 卷三
弊廬補葺雖勞力且得幽閑住此身舊友誤稱吟
筆長諸親爭笑罷官貧近簷竹密妨巢雀當戶花
踈見路人所慮久晴田事廢今聞高下雨皆勻

寄徐丞

病不窺園經一月更無人跡損青苔池禽引子銜
魚去野蔓開花上竹來亦欲鬢毛休似雪淨如丹
汞只爲灰秋風昨夜吹寒雨有夢南遊到海迴

送奩上人抄化

胃寒獨向何方去爲建靈山閣未能詩卷帶呈看
疏客藥爐留借共房僧夕陽岸上行枯葉瀑布巖
前聽拆冰事到有緣隨處應回來金碧入雲層

陳待制湖樓

何處飛來縹緲中間惟有畫圖同兩層簾幕垂
無地一片笙簫起半空岩竹倒添秋水碧渚蓮平
接夕陽紅遊人未達蒙莊肯虛倚欄干面面花

送翁卷入山

已送山民歸舊廬子今復去我何如漸成老大難
爲別早占清閑未是踈小雨半畦春種藥寒燈一

盡夜修書有人來問陶貞白說與華陽何處居

呈蔣薛二友

中夜清寒入緼袍一杯山茗當香醪鳥飛竹葉霜
初下人立梅花月正高無慾自然心似水有營何
止事如毛春來擬約蕭閑伴重上天台看海濤

萬年寺

萬年山木有千年石路陰深到繚垣幾片雲閑誰
是主一僧汲水不知源土栽芍藥尤勝木僧說獼
猴極畏猿夜半空堂諸境寂微聞鍾梵亦成喧

暮春書懷寄翁十

帝里逢春雨不乾纔晴數日又春還桐華半落官
河水榆葉全遮客舍山未悔濶踈令事去最伶乏
絕壞身閑菖蒲九節今堪采思爾逍遙澗谷間

移居謝友人見過

賃得民居亦自清病身於此寄飄零筍從壞砌磚
中出山在隣家樹上青有井極甘便試茗無花可
挿任空銚巷南巷北相知少感爾詩人遠扣扃

和人韻贈北山僧

又得相逢閑寺裏凡人多笑太無營誰知見事心
先懶未說尋幽足已輕二月春風添樹色一山夜
雨失泉聲謝師更作重眠約來往云消兩日晴

再遊北山和韻

或行或坐水邊亭處處春風戶不扃飛絮伴人衰
鬢白遠山學我道衣青迢迢更入煙霏去髣髴如
曾夢寐經恐是前生林處士晚年不飲至今醒

寄趙楚州

承明雖妙古云勞小借林邊却自豪韓信所封兵
尚勁劉伶曾住酒應高牽來寶馬通言語放去珊
弓落羽毛別有異時人憶處萬株楊柳綠春壕

多景樓晚望

落日欄干與鴈平往來疑有舊英靈潮生海口微
茫白麥秀淮南迤邐青遠賈泊舟趨地利老僧指
甕說州形殘風忽送吹營角聲引邊愁不可聽

姑蘇臺作

何人可與話登臨徙倚危欄日又沉千古蒼茫青
史夢一年迢遞故鄉心天無雨雪梅花早地有波

濤鴈影深爲是夫差舊臺榭愁來不敢越人吟

病起

身如瘦鶴已伶俜一卧兼旬更有零朝客偶知親
送藥野僧相保密持經力微尚覺衣裳重才退難
微筆硯靈惟有愛花心未已遍分黃菊插空餅

簡孫正字

空齋兀兀難消日况入中年睡亦踈洗釜煮蔬留
客飴卷簾移菊看人鋤秋衣因病全更衲曉病迎
寒半脫梳多謝貴交芸閣裏許令隨意借官書

次韻趙正字蟹

嗔爾橫行爲多足割爾兩螯如割玉怜爾有甲不
自衛評爾一身黃勝肉吳江十月天霜寒吳人微
爾不舉食萑蒲勿訝束爾急與虎爭強能上山

借居湖上

出仕歸來貧似舊借園偶近畫橋居縱觀不用春
携酒清坐何妨夜讀書港小只通閑客棹樹低多
礙故人車向時城裏綠塵土又欲湖邊住歲餘

送古壺與人

小壺純素無文采，驗是殷商物。至今捐處怕教凡，手觸鑄時應有吉星臨。久藏厚土金聲盡，微貯清泉翠色深。持贈高人安几席，爲勾古意入新吟。

贈鄧漢卿

單獨一身長不定，亦無書卷得相隨。忙過人世當閑日，老遇朝廷用少時。衝雪自言行路苦，看松長恨買山遲。蕭蕭白髮寒燈下，寫就詩篇欲寄誰。

孤山寒食

二月芳菲在水邊，旅人消困亦隨緣。晴舒蝶翅初

勻粉，雨壓楊花未放綿。有句自題閑處壁，無錢難買貴時船。最憐隱者高眠地，日日春風是管絃。

葉侍郎送紅芍藥

雕欄迎夏發奇葩，不擬分來野客家。自洗銅餅插欵側，暫令書卷識奢華。舊遊尚憶揚州夢，麗句難同謝朓誇。應被花嗔少風味，午窻相對一杯茶。

寄茅山溫尊師

幾度題詩寄入山，不知何處得書看。莓苔石上秋吟，星斗壇中夜拜寒。鶴改新名呼未至，碑逢斷

刻打應難憶師每欲尋師去芝朮栽成自可食

會宿丹送子野

又承出郭到貧家一度分携鬢易華自說印書春
可寄獨慚闕酒夜難賒眠遲古鼎銷殘火吟苦寒
缸落細花羸病不能親送別夢魂先立渡頭沙

京華病後

久在京華損道心故人誰與念升沈春樓卧病燕
相伴湖寺題詩僧爲吟三月不逢家信至一莖新
有鬢絲侵早知諫獵非時節只在山中自養金

過弋陽

三月三番過弋陽吾生辛苦莫思量磨圓灘石幾
年浪并盡江楓昨夜霜已算中途當度膈更憐抵
舍未爲鄉高眠舊有山中約只欠青驪道士方

題方興化瑩舍

晴簷方聽夜淋浪晚送儒臣別建章但欲有言扶
國是不嫌無計作身防輕舟過處猿頻斷舊宅開
特菊正黃心事對床應細語得歸如此亦何妨

清苑齋詩集

宋趙師秀 紫芝用 著

明潘是仁 訥叔用輯校

七言絕句

數日

數日秋風欺病夫
盡吹黃葉下庭蕪
林疎放得遙山出
又被雲遮一半無

玉清夜歸

巖前未有桂花開
觀裏閑尋道士來
微雨過時松

路黑野螢飛出照青苔

池上

朝來行藥向秋池池上秋深病不知一樹木犀供
夜雨清香移在菊花枝

題四聖觀 道士詩卷

一觀桃花紅似錦兩堤楊柳綠於雲遊人只是遊
晴晝煙雨朝昏盡屬君

白石巖

誰炷清香禮少君數聲金磬夢中聞起來明眼把青

衣袖裹得爛干一片雲

再過吳松

江邊無處覓天隨又趁斜陽過渺瀰遠愛柳林霜
後色一如春至欲黃時

山路懷翁卷

困嘗苦茗不論杯天氣纔晴又有雷寂寞小亭看
草坐晚風時復墮青梅

采藥徑

十載仙家采藥心春風過了得幽尋如今縱有相

逢處不是桃花是綠陰

午困

午困因書又見尋自添茶鼎候微吟病身未覺春
風暖柳色無端日日深

約客

黃梅時節家家雨青草池塘處處蛙有約不來過
夜半閑敲碁子落燈花

芳蘭軒詩集目錄

第一卷

五言古詩

自君之出矣三首

春日曲

莫愁曲

三峽吟

蝗飛高

猛虎行

妾薄命

古怨曲

第二卷

七言古詩

李夫人

廢居行

促促詞

征婦思

青鳩詞

澗湖作

何所歸

柳葉詞

越魚吟

第三卷

五言律詩

送翁誠之

宿翁靈舒幽居

贈江心寺欽上人
白下

贈劉明遠

送塵老入廣化米

田開

送朱嚴伯

途中

還舊山作

宿寺

題羅隱故居

題桃花夫人廟

送李偉歸黃山

懷如順上人

訪觀公不遇

哭居塵禪師

哀柳

鷺鷥

登歙山寺

漁家

山中卽事

題道上人房老梅

送翁誠之赴關

石門瀑布

宿永康

題衢州石壁寺

題信州祥符寺

題信州趙昌甫林居

路逢楊嘉猷赴官

過鄱陽湖

題薊林

宿吉州永慶寺

題浯溪

永州書懷

夜聽黃仲立彈

廣陵

鴈

湖中別鄧該

筠州送趙院判

移家鴈池

送翁靈舒遊邊

懷趙紫芝

贈九萼李丹士

送奩上人化緣

白石巖

題薛景石瓜廬

壽昌道中

龍湫瀑布

靈峯

石門庵

題夏景清湘中閣

題翁卷山居二首

病中作

未迴車

謝徐璣惠茶

中夕

題丁少瞻林園

訪僧居

永州寄翁靈舒

能仁寺

題李商叟半村壁

挽王大夫

第四卷

七言律詩

訓翁常之

贈從善上人

山中寄翁卷

送塵老歸舊房

猿皮

會飲鮑使君池亭

宿翁卷書齋

題永州唐德明竹園

同劉孝若野步

訓贈徐璣

高山寺晚望

分題得漁村晚照

第五卷

七言絕句

觀所養鵝鵝

題趙運管吟篷

舟上

聞水

杜甫墳

題趙明叔新居

趙張提舉西野

懷趙紫芝翁靈舒

采蘭曲

李溪曲別鄭遇

寄家書作

芳蘭軒詩集

宋徐照靈暉甫著

明潘是仁訥叔甫輯校

五言古詩

自君之出矣三首

自君之出矣心寬遠相隨
拆破唐人絹經經是雙
絲

自君之出矣玉琴生塵垢
蓮子種成荷曷時可成
藕

自君之出矣懶粧眉黛濃愁心如屋漏點點不移蹤

春日曲

中婦掃蠶蟻挈籃桑葉間小姑摘新茶日斜下前山

莫愁曲

莫愁石城住今來無莫愁只重石城水曾汎莫愁舟

三峽吟

山水七百里上有青楓林啼猿不自愁愁落行人心

蝗飛高

戰士屍上蟲蟲老生翅翼目怒體甲硬豈非怨氣激櫛櫛北方來橫遮遍天黑戍婦聞我言色變氣咽逆良人進戰死屍骸委砂礫昨夜寃夢歸白騎曉無迹因知天中蝗乃是屍上物仰面久迎視低頭淚雙滴呼兒勿殺害解繫從所適蝗乎若有知飛入妾心臆

猛虎行

猛虎出林行咆哮取人食居人慮虎至荆棘掛墻
壁虎乃愛其身驚遁不近側人兮弗如虎甘心墮
荆棘

妾薄命

初與君相知便欲肺腸傾只擬君肺腸與妾相似
生徘徊幾言笑始悟非真情妾情不可收悔思淚
盈盈

古怨曲

易得君知音難得君知心縱然
短寧使言語
深渴飲貪泉水倦息惡木陰儻涉不美名曷可銷
煩襟

後漢書五十五卷一

芳蘭軒詩集

宋徐照 靈暉甫 著

明潘是仁 訥叔甫輯校

七言古詩

李夫人

延年有妹顏如花十四選入君王家翡翠結簾玉
鏤床君王一時無慙忘朝朝出入芙蓉殿莫道妾
身出微賤妾生未久身入泉上天何不與妾年君
王愛妾言不灰逐夜宮中喚方士

余芳蘭七古 卷二

廢居行

北風蕭蕭胡馬鳴邊人走盡空戶庭黃金埋藏禾
米棄路上逐日長饑行子西父南弗相守仰面看
日啼無聲生身不合屬中土自昔無時無戰爭家
桑樵熟生野蛾跳席箕田成坡一路幾州盡荒
廢處處戰骨平草多傳報將軍殺胡虜取得山河
歸漢主殘生只願還本鄉難保後裔無兵禍

促促詞

促促復促促東家歡欲歌西家悲欲哭丈夫力耕

長忍饑老婦勤織長無衣東家鋪君不出戶父爲
節級兒抄簿一年兩度請官衣每月請米一石五
小兒作軍送文字旬一輪怨辛苦

征婦思

年半爲郎婦郎去戍采石又云戍濠梁不得真消
息半年無信歸獨自守羅幃西風吹妾寒倩誰寄
郎衣姑老子在腹憶郎損心目願郎征戰早有功
生子有蔭姑有封

青鳩詞

勞勞復勞勞生人半行客今人行古道古道有行
役相逢莫等閑相離易踈隔殷勤紅杏花徹宵對
芳席明年花開人東西青鳩食花舊處啼

澱湖作

澱湖春來水拍天秋來水涸成乾田盈虛不可保
富貴於人豈長好

何所歸

冬簪下後灣
芻畧下前浦
遊鱗棲身更何所

柳葉詞

嫩葉吹風不自持淺黃微綠映清池
玉人未識分離恨拆向堂前學畫眉

越魚吟

越魚生水中專食水上禽禽又安知魚魚自生機
心越魚早來人釣得人却放之反不食

芳蘭軒詩集

宋徐照

靈暉甫著

明潘是仁

訥叔甫輯校

五言律詩

送翁誠之

又作巴陵縣南州舊有聲未憑湘水綠能似長官
清笛冷君山月帆輕夏浦晴五言多好句顏杜減

詩名

宿翁靈舒幽居期趙紫芝不至

江城過一宿秋氣入霄濃
虫響移砧石螢光出瓦
松月遲將近曉角盡卽聞鍾
人起行庭際思君恨
幾重

贈江心寺欽上人

客至啓幽戶筍鞋行曲廊
潮侵坐禪石雨潤讀經
香古硯傳人遠新篁過塔
長城中如火熱此地獨
清涼

白下

白下嚴州近崎嶇昔未經
年豐山米賤溪澗石苔
歷一月無新句千岑後瘦
形人家今畏虎未晚戶
先扃

贈劉明遠

一生嫌世俗不向市中居
既是未攀桂却堪同釣
魚疾除禪老藥詩答野人
書又說成丹鼎吾生愧
不如

送塵老入廣化米開田

行李衝冰雪途程半是船
去從人乞米歸要海成
田遇景因開畫思茶自掬
泉好風名舶艣相候立

江邊

送朱巖伯

好別無愁思風霜一歲殘去因貧事迫歸有暮年
安遠水維舟晚青山遶舍寒有誰憐靜者得句不
同看

途中

隻影微陽外青山自鬱盤未經千里遠欲寄一書
難埃碣苔侵宇魚塘水過欄西風吹樹葉不問客
衣單

還舊山作

雲駭天初霽携兒下短篷數莖歸鬢白一袖俗塵
空日子差潮候秋容在蓼叢江神應念我平穩不
生風

宿寺

古殿清燈冷虛廊葉掃風拚關人迹外得句佛香
中鶴睡應無夢僧談必悟空坐驚窻欲曉片月在
林東

題江心寺

兩寺今爲一僧多外國人流來天際水截斷世間
塵鴉宿腥林徑龍歸損塔輪却疑成片石曾坐謝
公身

題羅隱故居

片水靜無塵青山是四隣上天如有意此地着詩
人吟得物俱盡罰令生世貧因來尋古跡只見石
爲麟

題桃花夫人廟

一樹桃花發桃花卽是君空祠臨野水何處覓行

雲事迹樵人說爐香過客焚雨添碑上蘚難讀古
詩文

送李偉歸黃山

心和無白髮長帶一琴行幾路到君屋數峯當郡
城妻兒貧自樂丹藥歲燒成未必聖明代終令隱
姓名

懷如順上人

西湖湖上寺一別二三年舊住房長閉新栽樹已
圓空多相憶夢不得寄來篇喜見隣僧說歸期是

臘前

訪觀公不遇

卧犬聞人出門當青櫟林固知多不在自遠欲相
尋宵短餘香印鄰疎出磬音昨來曾寄茗應念苦
吟心

哭居塵禪師

今朝開實信一隻海船遙此世永相隔何僧可與
交茶從秋後盡門絕月中敲昨夜山家夢親曾到
石橋

衰柳

風吹無一葉不復翠成窠枝脆經霜氣根空入水
波寒栖江鷺早暗出野螢多廢苑荒堤外人嗟舊
跡過

鷺鷥

一點白如雪頂黏絲數莖沙邊行有跡空外過無
聲高柳巢方穩危灘立不驚每看閑意思漁父是
前生

登歙山寺

石徑半欹傾，山頭路始平。
步因花樹息，吟忘寺僧迎。
一面門無水，東隅路入京。
青峯三十六，霜曉見分明。

漁家

阿翁年紀老生計，在綸絲野水無人占。
扁舟逐處移數鱗，新柳串一笛小兒吹。
有酒全家醉，公卿要識誰。

山中卽事

着屐上崔嵬，呼兒注瓦杯。
千岑經雨後，一鴈帶秋

來野艇乘湖發，山園逐主開。
餘生落樵牧，門巷少塵埃。

題道上人房老梅

香有竹風知，無塵雜野姿。
爲憐新白髮，重記舊題詩。
蘇帶龍鱗剝，蜂沾蠹屑垂。
不來三十載，半樹是孫枝。

送翁誠之赴闕

我亦清湘去，何年可會君。
貧惟詩送別，愁覺酒難醺。
郊祀隨天仗，臺占識瑞雲。
定知分美郡，音問欲

相聞

石門瀑布

一派從天下曾經李白看千年流不盡六月地長
寒灑木跳微沫衝崖作怒湍人言深碧處常有老
龍盤

宿永康

路有三千里春容若未濃淺塘饑鷺下晴靄市煙
衝孤望生遙思頻過記昔蹤宿程知近縣聞打法
燈鍾

題衢州石壁寺

岸石橫生脈平林一里溪衆船寒渡集高寺遠山
齊殘磬吹風斷眠禽壓竹低自嫌昏黑至難認壁
間題

題信州祥符寺

冰溪清絕地誰擬此身來寺古逢僧老山高見水
回巖菲寒未拆風靄薄難開塔下看碑石因尋跨
鶴臺

題信州趙昌甫林居

講接江西派聲名過浙間棄官從早歲買屋向深山
文集通僧借漁舟載鶴還待予歸舊里又得到柴關

路逢楊嘉猷赴官嚴州

詩合誠齋意難將片石鐫相逢因在道惜別未移
船野步僧同坐宵吟吏廢眠思君還有夢前到釣
臺邊

過鄱陽湖

港中分十字蜀廣亦通連四望疑無地孤舟若在

天龍尊收巨浪鷗小沒蒼煙未渡皆驚畏吾今已
帖然

題薊林

祇爲登山遠當門疊石爲人來嗟故跡景勝入名
詩立鶴高過檻欵花半在池百年庭際水新長挂
冠枝

宿吉州永慶寺

古邑溪邊寺吟人愛寂寥少僧齋室廢乞食釣鄉
遙鍾韻含霜氣樓簷近斗杓漢時銅鑄佛瞻禮到

今朝

題浯溪

知是漫郎宅舟中聞寺鐘
小溪通正港高石壓羣
峰綠木成春蔭荒臺見古蹤
唐碑三十本獨免野
苔封

永州書懷

嗜茶疑是病羸瘦見詩形
天斷征鴻過汀多香草
青興高貧不覺身遠事皆經
歸路當遊嶽僧言極
可聽

夜聽黃仲立彈廣陵

月色照君琴移床出木陰
數聲廣陵水一片古人
心投劔功無補衝冠怒亦深
縱能清客耳還是亂
時音

鴈

今春北歸鴈秋至又南征
冷避燕關雪暖逢湘水
晴連行衝燒斷並食雜鷗
夜鳴

湖中別鄧該

徐九廣五律
卷三
隔水鷓鴣鳴一汀香草生自憐爲客久誰忍送君
行後會期何日歸途喜乍晴它春科甲上必欲見
題名

筠州送趙院判歸九江

相逢今半月夜雨厭同聞遠地長爲客還家極羨
君詩低勞盡寫茶美許重分一馬衝寒去廬峯正
雪雲

移家鴈池

不向山中住城中住此身家貧兒廢學寺近佛爲

鄰雪長官河水鴻驚釣渚春夜來遊嶽夢重見日
東人

送翁靈舒遊邊

孤劍色磨青深謀祕鬼靈離山春值雪憂國夜觀
星奏凱邊人悅翻營戰地腥期君歸幕下何石可
書銘

懷趙紫芝

一別一百日無書直至今幾回成夜夢獨自廢秋
吟小雪衣猶綌荒年米似金知音人亦有誰若爾

知心

贈九華李丹士

長記零陵郡共看江上峯
一生輕世事幾處認仙蹤
轉式驅雷電封泥伏虎龍
三千三百里今日又相逢

送奩上人化緣

專志事皆成期師此一行
閣盛靈佛像碑載施人名
江濶風催渡村深雪廢程
暫勞曾共說終可送閑情

白石巖

一石入遙天千峯疊在前行
不到處仙去未多年
竇暗雲生像簷斜日照泉
皇朝宣賜物弟子尚能傳

題薛景石瓜廬

何地有瓜廬平湖四畝餘
自鋤畦上草不放手
中書人遠來求字童閑去
釣魚山民山上住却羨水邊居

壽昌道中

碣字芙蓉驛喜行行不難路侵滄海過人得異山
看圓石蠓黏滿平途鷺立寒一遊期一月回日必
冬殘

龍湫瀑布

飛下數千尺全然無定形電橫天日射龍出石雲
腥壯勢春曾看寒聲佛共聽昔人云此水洗目最
能靈

靈峰

我來無一語閑認昔遊蹤誰種路旁樹却遮山上

峯潭乾沉石露人立去禽衝樵說仙橋險因思在

上封

石門庵

庵是何年作其中任一僧蒼崖從古險白日少人
登衆物清相映吾生隱未能夜來新過虎抓折樹
根藤

題夏景清湘中閣

湘中山與水自古有人云此是曾遊地今來盡屬
君殘風吹岸草空廟入江雲却憶還鄉夢清猿半

夜聞

題翁卷山居二首

十年前有約今却在城居
羨爾能携子深山自結廬
引泉移岸石栽藥就園蔬
見說高林外樵人聽讀書

空山無一人君此寄閑身
水上花來遠風中葉動頻
蟲行黏壁字茶煮落巢薪
若有高人至何妨不裹巾

病中作

一行三步歇屋漏坐頻移
妻欲藏茶鼎僧能施藥資
鄰園梅盡發河岸草生遲
天解怜貧病難令不作詩

未迴車

山川匪遙遠行人未迴車
欲語昨宵夢忽接今朝書
啼鳥在屋上綠草生庭除
仰看日月光照知子衿裾

謝徐璣惠茶

建山惟上貢采撷極艱辛
不擬分奇品遙將寄野

人角開秋月滿香入井泉新靜室無來客碑黏陸
羽真

中夕

中夕獨依依閑行未掩扉水邊山出月松上雨沾
衣棹響初如近螢光漸欲稀不甘塵內事長與此
心違

題丁少瞻林園

州分低嶺外來向此園行路改初栽樹堂成未有
名藥苗如草長巖溜入池清欲識懷君意時聞鶴

一鳴

訪僧居

客至無他事房門不厭敲好山元帶郭損屋旋鋪
茅靜砌生靈藥高林出遠郊水禽多不見春暖漸
營巢

永州寄翁靈舒

古郡百蠻邊蒼梧九點烟去家疑萬里歸計在明
年風順眠聽角樓高望見船筠州當半道長得秀
詩篇

能仁寺

寺置有碑傳觀音巖石前殿高燈焰短山合磬聲
圓窓靜吹寒雪春鳴落夜泉清遊人豈識謂不似
秋天

題李商叟半村壁

一徑蒼苔合連年不出門風高松有韻溪滿石無
痕不自知名重令人覺道尊更憂徵詔至移室向
深村

挽王大夫

兩任身爲郡里中如不知民歸清淨化家似困窮
時秦水淒秋韻湘雲結暮姿若無遺愛在何得後
人思

芳蘭軒詩集卷

宋徐照 靈暉甫 著

明潘是仁 訥叔甫輯校

七言律詩

訓翁常之

半掩柴門一徑深
山中免見俗塵侵
愁因有酒春生面
老不饒貧雪滿簪
舊井遠通幽谷水
翠小窻陰扁舟莫負林
間約好把清詩慰此心

贈從善上人

骨氣清冷無片塵卽應僧可是前身詩因圓解堪
呈佛碁與禪通可悟人掃地就涼松日少煮茶消
困石泉新不能來住城中寺去買青山約我隣

山中寄翁卷

忽看春至復春還門外煙雲沒野山吟有好懷忘
瘦苦貧多難事壞清閑柳花未散色全綠杜宇乍
啼聲更蠻聞到掃松溪雨後夢隨溪雨到巖關

送塵老歸舊房

數間茅屋殘山外片石峻嶒樹影交給假兩旬秋
易盡相尋一舍路非遙盆栽怪木緣能畫池養嘉
魚不入庖聞道水松三百步夢隨流水到溪橋

猿皮

路逢巴客賣猿皮一片蒙茸似黑絲常向小窻鋪
坐處却思空谷聽啼時弩傷忽見痕猶在笛響誰
誇骨可吹古樹團團行路曲無人來作野賓詩

會飲鮑使君池亭

案上一琴書數卷不須此處有笙歌厭居城市觀
天小喜到君家見月多葉蒲地飛隨步履鶴於人

徐芳蘭七律 卷四
熟聽吟哦明朝也向山中去手把松枝養太和

宿翁卷書齋

一山秋色同誰看又復相尋出郭來
隣竹種成高礙月井泉汲少近生苔
忽驚寒事砧初動不辨晨光戶
盡開君愛苦吟吾喜聽世人誰更重清才

題永州唐德明竹園

渭川千畝空聞說得似君家亦是難
畦僕不知生鳳實野翁祇欲乞漁竿
忽驚殘粉飄蒼雪最喜幽聲勝遠灘
六月火雲飛不盡誰知此處獨清寒

同劉孝若野步

仗履相從步野田坐臨堦屺和詩篇
要看隔水人家菊試借繫門漁父船
且緩歸舟知有月不生酒興爲無錢
寒來莫問家中事纔得身閑卽是仙

訓贈徐璣

每到齋門敲始應池禽雙戲動清波
愛閑却道無官好住僻如嫌有客多
字學晉碑終日寫詩成唐體要人磨
山民百事今全懶祇合煙江着短莎

高山寺晚望

石路近門方不險刺桐踈處見僧歸小坡重疊無
平屋四月陰寒尚袂衣山到道州高莫比水分湘
口綠相圍暮雲不隔東南望一片遙兼白鳥飛

分題得漁村晚照

漁師得魚繞溪賣小船橫繫柴門外出門老嫗喚
雞犬收歛簍衣屋頭曬賣魚得酒又得錢歸來醉
倒地上眠小兒啾啾問煮米白鷗飛去蘆花烟

芳蘭軒詩集

宋徐照 靈暉甫 著

明潘是仁 訥叔甫輯校

七言絕句

觀所養鸚鵡

一身文采異常流却使閑身不自由永日翠籠相
並睡豈無魂夢到滄州

題趙運管吟篷

飛塵難到碧波中波上煙雲盡不同吟斷不知驚

鷺起汀花一半在船篷

舟上

小船停漿逐潮還
四五人家住一灣
貪看曉光侵
月色不知雲氣失
前山

聞水

燈光難照客懷開
忽聽寒聲響似雷
天氣無風樹
無葉道州半夜水流來

杜甫墳

來陽知縣非知己
救厄無蹤豈忍聞
若更聲名可

埋沒行人定不弔
空墳

題趙明叔新居

社壇側近地圖寬
所作園池在此間
十萬人家城
裏住少聞人有對門山

題張提舉西野

渡頭風景如前日
誰種桃花在雨邊
未晚人家門
戶閉鷺鷥閑立釣魚船

懷趙紫芝翁靈舒

紫芝別我天台去
翁十深山自結茅
但見春秋隨

日長不知庭葉蔽禽巢

采蘭曲

門前春水清如羅采蘭船小長經過未須拆蘭喜
相贈見此自令憂思多


李溪曲別鄭遇

七十二灘聲共聞一朝路向李溪分梅花無情動
春夢未好憶家先憶君

寄家書作

屋頭桑葉大如錢知是吳蠶第一眠遠水忽來滿

岸沒家書却寄道州船



行
三
月
一
日
終
三
三

三

